



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XCII. Pro bono regimine Congregationis Clericorum Pauperum Matris Dei  
Scholarum Piarum.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

à successoribus nostris Romanis Pontificibus, seu nostra, vel illorum auctoritate concedentur robur & effectum obtineant.

§. 2. Præterea ut numerus Decanorum prædictæ Congregationis à sel. record. Paulo Papa V. prædecessore nostro per suas die 21. Martii 1608. in forma Brevis expeditas litteras præscriptas, ut scilicet unus tantum sit Decanus pro quinque Monachis expresse professis ejusdem Congregationis exactè pariter observetur. Promovendi autem ad Decanatum omnia per præfatas Constitutiones, ac Decretum à rec. mem. Innocentio Papa X. Prædecessore pariter nostro die 7. Novembris 1645. confirmatum requisita habere debeant, nec ulla decanorum hujusmodi electio cum clausula si Romano Pontifici placuerit, fieri de cætero possit, tenore præsentium perpetuò statuimus, & ordinamus: firmo remanente Decreto particularis Congregationis Venerabilium Fratrum nostrorum S. R. E. Cardinalium per nos deputatæ super administratione Monasteriorum Cassinensium restauranda, per nostras in simili forma Brevis litteras confirmato.

Decretum irritans.

§. 3. Decernentes easdem præfatas litteras semper firmas, validas, & efficaces existere, & fore, suoque plenarios, & integros effectus sortiri, & obtinere, ac ab illis ad quos spectat, & pro tempore quandocumque spectabit, inviolabiliter observari. Sicque & non aliter in præmissis per quoscumque iudices Ordinarios, & Delegatos etiam causarum Palatii Apostolici Auditores, ac ejusdem Sanctæ Romanæ Ecclesiæ Cardinales, etiam de Latere Legatos, & Sedis præfate Nuncios sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstant. præ mem. Clementis Papæ VIII. etiam Prædecessoris nostri in forma Brevis litteris die 6. Martii 1593. emanatis, per quas Diffinitorio dictæ Congregationis Cassinensis super defectu temporis ad Abbatis dignitatem, ac ad Prioratum respectivè requisiti, omnibus votis suffragantibus dispensandi facultas concessa fuit, aliisque Constitutionibus, & ordinationibus Apostolicis, necnon quatenus opus sit, ejusdem Congregationis, etiam juramento confirmatione Apostolica, vel quavis alia firmitate roboratis statutis, & consuetudinibus, privilegiis quoque, indultis, & litteris Apostolicis dictæ Congregationi, ejusque Capitulo generali, Diætæ, Diffinitorio, ac Superioribus, & Monachis quibuslibet, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac alias in contrarium quomodolibet concessis, approbatis, & innovatis. Quibus omnibus & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, præsentibus pro plenè, & sufficienter expressis habentes illis aliàs in suo robore permanens ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Transumptorum hæc.

§. 5. Volumus autem, ut earundem præsentium litterarum transumptis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ mu-

nitis eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris, die 11. Aprilis 1660. Pontificatus Nostri Anno sexto.

Dat. P. An. die 11. Apr.

Pro bono regimine Congregationis Clericorum Pauperum Matris Dei Scholarum Piarum.

XCII.

Vide ad Constitutionem 18. Greg. XV. Sacri Apostolatus, in qua confirmat Constitutiones pro felici regimine eorundem Clericorum Scholarum Piarum.

ALEXANDER PAPA VII.

Ad futuram rei memoriam.

Edita An. D. 1660.

Cum sicut accepimus in Congregatione seculari Clericorum Pauperum Matris Dei Scholarum Piarum plures exorta sint controversiæ. Nos illas dirimere, & bonum ipsius Congregationis quantum in Domino possumus promoveri cupientes.

Motiva.

§. 1. Motu proprio, ac ex certa scientia, & matura deliberatione nostris, deque Apostolicæ potestatis plenitudine statuimus, & decernimus tenore præsentium, ut Præpositus Generalis memoratæ Congregationis, & quatuor Assistentes tam in ultimo Capitulo generali electi, quam deinceps in perpetuum eligendi durare debeant ad sexennium tantum: ipsique Assistentes votum habeant decisivum cum eodem Præposito Generali in electionibus, deputationibus, ac mutationibus quorumcumque Superiorum. Item in causis, & sententiis criminalibus, necnon in quibuscumque aliis actibus, qui ex Constitutionibus ejusdem Congregationis vel decretis Capitulum generalium fieri, seu expediri debent à Præposito Generali, & Assistentibus. In reliquis verò iidem Assistentes votum habeant consultivum, & Præpositus Generalis quoad ejus fieri poterit eorum Consilium sequatur ad præscriptum Constitutionum ipsius Congregationis, & una omnes cum Præposito Generali resideant in domo S. Pantaleonis de Urbe.

§. 2. Præterea inviolatè servari præcipimus laudabile dictæ Congregationis institutum præcipuè in usu associandi pauperes pueros ad eorum domos; deferendi habitum qualitatibus, & formæ à prædictis Constitutionibus præscriptæ, incedendi pedibus discalceatis, recipiendi ad Scholas pueros aptos ad prima elementa, adhibendi lectulos ad formam dictarum Constitutionum, denominandi personas ejusdem Congregationis non ex cognomine gentilizio, sed ex nomine alicujus Sancti, ac demum servandi etiam in itinere paupertatem, quam operarii hujus instituti profitentur.

§. 3. In cæteris verò servari jubemus antiquas Constitutiones Congregationis hujusmodi cum omnibus gratiis, indultis, & privilegiis à Sede Apostolica eidem concessis, in iis tamen quæ aptantur, & congruunt statui Congregationis secularis, & præsentibus litteris non adferantur.

§. 4. Decernentes easdem præfatas litteras semper firmas, validas, & efficaces existere, & fore, ac illis ad quos spectat, & pro tempore spectabit plenissime suffragari, & ab illis respectivè inviolabiliter observari, sicque in præmissis per quoscumque iudices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Decretum irritans.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit prædictæ Congregationis, & aliis quibusvis etiam juramento confirmatione Apostolica, vel quavis firmitate alia roboratis

Contrariis derogat.

statutis,

statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, habentes, illis aliàs in suo robore permanens ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

§. 6. Volumus autem, ut præsentium transumptis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides, in iudicio, & extrâ adhibeatur, quæ præsentibus ipsis adhiberetur, si forent exhibitæ vel ostensæ.

Datum in Arce Gandulphi Albanen. Diœc. sub Annulo Piscatoris, die 28. Aprilis 1660. Pontificatus Nostri Anno sexto.

Dat. P. An. 6.  
die 28. April.

XCIII. Confirmat Decreta Sacrarum Congregationum ad sepulturam pertinentium pro Provincia Sancti Saturnini Ordinis Fratrum Minorum de Observantia in Sardinia.

*De hac materia vide ad Constit. 223. Urb. VIII. cum sicut, ad Constit. 7. Innoc. X. Ex injuncto.*

Edita An. D.  
1660.

ALEXANDER PAPA VII.

*Ad futuram rei memoriam.*

Supplicatio.

**A**lias pro parte dilecti filii Antonii Francisci Tholo, & Pirella Procuratoris Provincie Sancti Saturnini Ordinis Fratrum Minorum Sancti Francisci de Observantia nuncupatorum in Sardinia Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito quod dilecti pariter filii Canonici & Beneficiarii Metropolitanæ Ecclesiæ Calaritanæ die 11. Augusti 1659. Conventum S. Mauri violenter ingressi fuerunt ad officium in illa Ecclesia contra Decreta diversarum Congregationum ejusdem S. R. E. Cardinalium tenoris qui sequitur videlicet.

§. 1. Sac. Rituum Congregatio juxta alias resoluta respondit officium super cadaveribus in Ecclesiis Regularium spectare, & pertinere ad ipsos Regulares, non autem ad Curatos defunctorum, & ita in posterum servari mandavit, non obstante contraria consuetudine. Die 27. Novemb. 1638. C. Episc. Portuen. Card. Pius. Julius Cincius. Loco † sigilli.

Necnon Sacra Congregatio Cardinalium negotiis Episcoporum, & Regularium præposita, censuit defunctorum cadavera in Ecclesiis distorum Fratrum sepelienda ab ædibus defunctorum ac eorumdem Fratrum Ecclesias recto tramite deferri licitè posse; monito tamen prius, & requisito, ac expectato proprio Defunctorum Parocho à quo benedictionem, & ultimum vale recipere possent, quo venire expressè recusante possint iidem Fratres etiam ipso indulto dicta cadavera ad suas Ecclesias transportare, consanguinei verò talium defunctorum illis parentare in Parochialibus & aliis Presbyterorum etiam Cathedralibus Ecclesiis nullo modo possint. Si quæ verò immemorabilis consuetudo in contrarium super præmissis existere prætendatur, legitime probetur, & interim præsens Decretum ad unguem fervetur, prout eadem Sacra Congregatio servari mandavit. Romæ die 14. 1639. Cardinalis Antonius Barberinus. C. Faccheneus. Loco † sigilli.

Necnon Sacra Congregatio Eminentissimorum Cardinalium Concilii Tridentini interpretum censuit quoties cadavera defunctorum ad Ecclesias

Fratrum Mendicantium deferuntur, officia mortuorum, & reliqua quæ in hujusmodi ministerio adhiberi solent, non à Canonicis, neque à Clero, sed à Fratribus obiri, & peragi debere. H. B. Cardinalis, Franciscus Paulinus Sacre Congregationis Secretarius. Loco † sigilli.

Necnon Sac. Rituum Congregatio juxta alias resoluta respondit electionem, & numerum Religiosorum pro associandis Cadaveribus ad libitum hæredum defunctorum spectare, & pertinere, & ita ubique servari debere declaravit die 14. Januarii 1640. P. Card. Crescentius, Julius Cincius Secretarius. Loco † sigilli.

§. 2. Quodque in observantia Decretorum præinsertorum, & literarum Apostolicarum die 29. Augusti ejusdem anni 1659. emanatarum Fratres Ecclesiæ Sanctæ Mariæ JESU noluerunt permittere, ut Capitulum prædictæ Ecclesiæ Calaritan. dictam Ecclesiam Sanctæ Mariæ JESU ingrederetur, ipsum verò Capitulum, & Beneficiarii cadaver quoddam inde abripuerant, & ad Ecclesiam Sanctæ Eulaliæ tulerant. Et in eadem expositione subjuncto, quod præfata Decretis præinsertis adversentur, ideoque primo dictæ Cardinalium Congregationi supplicato, ut decerneret cadaver hujusmodi restitui, & dicta Decreta observari, & si fortè Canonici quoad secundum Decretum, immemorabilem consuetudinem prætenderent, hoc nihil obstare, nisi legitime probetur: emanavit ab eadem Congregatione Cardinalium negotiis, & consultationibus Episcoporum, & Regularium præposita Decretum tenoris qui sequitur, videlicet.

Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, attentis narratis, reque partibus tam verbo, quam scripto informantibus auditis, Eminentissimo Santacruccio referente diligenter, ac maturè examinata, & discussa censuit cadaver de quo agitur restituendum esse, prout una cum funerali pompa restitui mandat, & præcipit Ecclesiæ Sanctæ Mariæ JESU Fratrum Minorum Observantiæ S. Francisci, nec Capitulo, & Clero Metropolitanæ Ecclesiæ Calaritanæ funeralia in dicta Ecclesia Sanctæ Mariæ, neque in Sancti Mauri eorumdem Fratrum exercere, & celebrare super defunctorum ibidem sepelienda cadavera licere, reservato tamen jure eidem Capitulo, & Choro probandi præsentem immemorabilem, & ita declaravit, & decrevit, prout præsentium tenore declarat, & decernit, in contrarium allatis minimè obstantibus. Romæ 12. Martii 1660. M. Card. Ginnettus.

§. 3. Cum autem sicut dictus Antonius Franciscus Nobis nuper exponi fecit, ipse Decretum, proximè insertum pro firmiori illius subsistentia, & observatione Apostolicæ confirmationis nostræ patrocinio communi summopere desideret. Nos ipsum Antonium Franciscum specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati: Decretum præinsertum, Die 12. Martii proximè præteriti emanatum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus. Salva semper in præmissis auctoritate prædictæ Congregationis Cardinalium negotiis, & consultationibus Episcoporum, & Regularium præpositæ.

§. 4. Decernentes easdem præsentis literas semper firmas, validas, & efficaces existere, & fore,